



Broj: 01-11-2-4587/25-9
Konjic, 09.01.2026. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), Preporuke komisije broj: 10-11-2-4587/25-7 od 08.01.2026. godine, u postupku javne nabavke „Zamjena cijevi u poslovnoj zoni Donje Polje – II faza“, a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 10-11-2-4587/25-7 od 08.01.2025. godine i ugovor za javnu nabavku radova ***„Zamjena cijevi u poslovnoj zoni Donje Polje – II faza“*** dodijeli ponuđaču **„BUJICE“ d.o.o. Konjic**, ul. Stara čaršija br. 88, 88400 Konjic, ponuda broj: 01-270/1-25 od 29.12.2025. godine, za ponudenu cijenu u iznosu od **256.115,80 KM** bez PDV-a, odnosno 299.655,49 KM sa PDV-om, kao najbolje ocijenjenom ponuđaču.

Član 2.

Izabrani ponuđač dužan je dostaviti dokaze o kvalifikovanosti u skladu sa tačkom 12. Tenderske dokumentacije (lična sposobnost), a u vezi člana 45. stav (1) Zakona o javnim nabavkama, u roku od pet dana od dana prijema ove Odluke.

Član 3.

Za izvršenje ove Odluke zadužuje se Služba za zajedničke, stručne i inspeksijske poslove.

Član 4.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-2-4587/25-1 od 04.12.2025. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 256.410,00 KM.

Gradonačelnik je Odlukom o imenovanju komisije broj: 01-11-2-4587/25-2 od 05.12.2025. godine, imenovao Komisiju za javnu nabavku i zamjenske članove za nabavku predmetnih radova.

Na osnovu obavještenja o nabavci broj: 637-1-3-136-3-155/25 od 08.12.2025. godine, objavljenog na Portalu javnih nabavki i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda.

Javno otvaranje ponuda izvršeno je 30.12.2025. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-4587/25-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: dva (2);

Pristigle su ponude sljedećih ponuđača:

- 1) „TED INVEST“ d.o.o. Sarajevo, ul. Josipa Vancaša br.10, 71000 Sarajevo i
- 2) „BUJICE“ d.o.o. Konjic, ul. Stara čaršija br. 88, 88400 Konjic.

- da su blagovremeno zaprimljene ponude,

- da je broj neblagovremeno zaprimljenih ponuda; nula (0),
- da je ponuda ponuđača „BUJICE“ d.o.o. Konjic, prihvatljiva, dostavljeni su svi traženi dokumenti u skladu sa zahtjevima iz tenderske dokumentacije,
- da ponuda ponuđača „TED INVEST“ d.o.o. Sarajevo, nije prihvatljiva, a razlozi neprihvatljivosti detaljno obrazloženi u Zapisniku o pregledanju i ocjeni ponuda broj: 10-11-2-4587/25-6 od 30.12.2025. godine. Navedeni zapisnik dostavlja se svim ponuđačima zajedno sa ovom odlukom.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 22. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1	„BUJICE“ d.o.o. Konjic	256.115,80 KM

Tačkom 36. tenderske dokumentacije predviđeno je provođenje e-aukcije. Međutim, u skladu sa Pravilnikom o uslovima i načinu korištenja e-aukcije (“Službeni glasnik BiH” broj: 80/23) u slučaju samo jedne validne ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač „BUJICE“ d.o.o. Konjic, na osnovu čega je jednoglasno dala Preporuku rukovodiocu ugovornog organa broj: 10-11-2-4587/25-7 od 08.01.2025. godine, da se ugovor za javnu nabavku radova “Zamjena cijevi u poslovnoj zoni Donje Polje – II faza” dodijeli ponuđaču „BUJICE“ d.o.o. Konjic, za ponuđenu cijenu u iznosu od 256.115,80 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.


Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od deset dana od dana prijema ove odluke.

Pripremio: Elvir Nuhić

Kontrolisao: Nedžad Ramić



Dostaviti:

1. Gradonačelniku,
2. Ponuđačima,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i prave poslove,
5. Službi za zajedničke, stručne i inspeksijske poslove,
6. A/a.